

太夫人居此，年已八十七岁，起居如常。

抵翠亨乡，乡四围层岚叠嶂，如圈椅，面临远岸唐家湾。唐家湾者，唐绍仪之故乡也。湾之口门，有金星岛耸立，为翠亨乡主峰之正照岸。唐绍仪于民初创办金星人寿保险公司，即以湾中之金星岛为名。据乡中父老言，先生先人所葬之地，即在翠亨乡之主峰。当时有江西堪舆家来乡卜地，主于先生家，先生之尊人为之供张饮食起居，并资助行李，礼遇弗衰。堪舆家甚德之，乃相得佳城以为报。云葬此者，后人贵可为元首，名可齐圣人。予举以询诸孙乾，答云：“此属迷信之谈，但乡人固有此传说也。”

翠亨村外，有洋楼二层，横房三开间，此即先生故居也。屋侧砖房两幢，为故陈兴汉家。兴汉死已数年，曾任京沪、粤汉路总办。先生歿后，两次易棺着衣，皆由兴汉任之，为孙氏数代邻人。孙乾指楼侧围屋曰：“先生降生于此。”予曰：“此屋在村外，距村尚远，何以建屋于此？”孙乾曰：“此有一段故事。屋建于光绪二十五年，时眉公（先生之兄）在檀香山西卢岛，经营畜牧糖榨种植，获大利，寄六万金回香山，托人在村间建屋一所。而先生于伦敦使馆蒙难之后，为清吏所不容。眉公虽未参与革命，来村建屋，乡人亦恐受拖累，故全村各姓均拒而不纳。不得已，仍就村外荒远隙地，建筑屋宇，且声明字据，此屋与翠亨乡无关。村人多得眉公之惠，亦即安之。不知今日之下，全乡俱受其赐。翠亨乡纪念中学，宏大壮丽，为广州名校之冠。”

既抵澳门，晋谒卢太夫人。太夫人年八十三矣，和霭康健，步履与少年人无异。其次女戴夫人，亦出见。时戴君恩赛适去香港，晤谈数语，即辞出。按：先生家世，长兄眉公，经营农商业于檀香山；眉公子曰孙昌，在旧金山医科大学毕业，先生在广州大元帅府，奉命收海军，为流弹所中阵亡。昌有二子，长曰孙满，现任士敏土厂总理；次孙乾，即今之中山县长。乾卒業日本士官学校，再赴义大利习陆空军，抗战时任闽军副总司令，今治中山，颇著政绩。此眉公世系也。先生生孙哲、生（孙）科；长女媛，年未及笄，早卒；次女婉，适戴君恩赛。戴君曾留学美国，得博士学位，后任梧州关监督、巴西公使，今与夫人同居澳门，并侍卢太夫人。卢太夫人云，在澳门居处甚适，可常与平民亲友晤言，颇足娱晚景也。

八七 纪伍老博士

予居广州大总统府，日夕与伍老博士（廷芳）接谈。今举其遗言遗事，逐条记之。

老博士曰：“予往英国伦敦，习法律。何启字沃生，亦先在伦敦习法律，皆得大律师学位。予娶沃生之妹，梯云亦娶沃生长女。我与沃生为两代郎舅。沃生娶英国下议院议员女。归香港，未几病歿。沃生哀之，建医院，为丧偶纪念，附设学校。孙中山、陈少白等，皆卒业于此医学校（陈少白只学习一年便退学，未毕业——编者），亦排

满革命中华民国建议发祥之地。予还香港，业律师。沃生为律师，兼港绅，领华民政务司事。沃生之友胡礼垣，最善中文，同发表《驳张之洞〈劝学篇〉书》后，传诵一时。沃生又与陈少白等著《盛世危言》，（按：何启与胡礼垣合撰《新政真诠》六编，自一八八七年至一八九九年陆续刊行。郑观应所撰《盛世危言》，一八六二年即清同治元年已用《救时揭要》书名出版。一八七一年即同治十年修正后又以《易言》书名出版。一八七五年即清光绪元年再版。一八八四年即光绪十年改订后即用《盛世危言》一名刊行。一八九三年即光绪十九年定稿再刊。孙中山北上及上书李鸿章，已在一八九四年即光绪二十年。实际情况与此不符，恐记述有所误会——编者）中山先生曾参以己意。孙先生与陈先生少白来沪，将此稿售于粤人上海招商局总办郑观应，由观应出名刊行，售价二万金。《盛世危言》全部最后一篇，则孙先生与陈少白所补录也。孙先生携此两万金，草就《上北洋大臣李鸿章书》，未果行。予在港，理律师事，皆未与闻。沃生则颇有兴味，然始终未做清朝之官，此沃生高尚过人处。沃生死矣，其手创之亚理士医院学堂，即藉此以纪念其英国夫人者，得学生如孙中山、尤烈、陈少白等，皆为建造中华民国之伟人，亦足慰沃生之志愿矣。”

伍博士言语以英国大律师之制，谓中国各城区法律家悬牌办案者，多称大律师，实未明来历。英国律师制度与美国不同，英国大律师（Parrister）出庭辩论大案件。其